



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 3-3-50-UP1-532-2/26
Banja Luka, 7. 9. 2026. godine

Na osnovu Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), postupajući po zahtjevu _____, advokata iz Sarajeva, generalni direktor Direkcije za civilno vazduhoplovstvo Bosne i Hercegovine donosi:

RJEŠENJE
o pristupu informacijama

Odobrava se pristup informacijama koje su u vlasništvu Direkcije za civilno vazduhoplovstvo Bosne i Hercegovine (u daljem tekstu: BHDCA), a po zahtjevu _____, advokata iz Sarajeva.

Obrazloženje

Dana 28. 8. 2026. godine, BHDCA je, putem poštanske službe, zaprimila Zahtjev za pristup informacijama na osnovu Zakona o slobodi pristupa informacijama na nivou institucija Bosne i Hercegovine (u daljem tekstu: Zakon), u kojem podnosilac zahtijeva sljedeće informacije: „Molim da mi dostavite spisak lica kojima je Direkcija za civilno vazduhoplovstvo Bosne i Hercegovine izdala dozvole za pružanje usluga opsluživanja na zemlji na aerodromima u periodu od 2015. godine do danas, kao i vremenski period važenja tih dozvola.“

Postupajući po navedenom zahtjevu, BHDCA je preduzela sve radnje kako bi prikupila tražene informacije i razmotrila sve činjenice i okolnosti koje su značajne za obradu zahtjeva, a na osnovu čl. 7, 9, 12. i 23. stav (1) Zakona. BHDCA je u cjelosti odobrila pristup informacijama koje su u vlasništvu BHDCA, zbog čega je odlučeno kao u dispozitivu ovog rješenja, i podnosiocu zahtjeva dostavlja informaciju kako je traženo.

BHDCA je u navedenom periodu izdala dozvole sljedećim pravnim osobama:

- **EOL Petrol d.o.o. Sarajevo**, datum izdavanja dozvole je 3. 7. 2023. godine, a datum važenja dozvole do 3. 7. 2026. godine;
- **HIFA OIL d.o.o. Tešanj**, datum izdavanja dozvole je 23. 6. 2025. godine, a datum važenja dozvole do 23. 6. 2028. godine;
- **HIFA-PETROL d.o.o. Sarajevo**, datum izdavanja dozvole je 17. 7. 2025. godine, a datum važenja dozvole do 17. 7. 2028. godine.

U skladu sa čl. 13. i 24. stav (1) Zakona, podnosilac zahtjeva oslobođen je plaćanja taksi i naknada na ovo rješenje i informaciju.

Ovo rješenje sa traženim informacijama biće dostavljeno elektronskim putem na adresu e-pošte navedenu u zahtjevu.

Uputstvo o pravnom lijeku: Protiv ovog rješenja može se, u skladu sa članom 28. stav (2) Zakona, u roku od 15 dana od dana prijema, podnijeti žalba Žalbenom savjetu pri Savjetu ministara BiH kao drugostepenom organu, na adresu Trg BiH 3/IX, 71 000 Sarajevo. U skladu sa članom 201. stav (2) Zakona o upravnom postupku i Zakona o administrativnim taksama BiH iznos takse na žalbu, po tarifnom broju 2, iznosi 10 KM, te je dokaz o uplati takse potrebno dostaviti uz žalbu.



Generalni direktor
Zorislav Ivanović

Dostavljeno:

-

- službenik za informisanje BHDCA
(dostaviti e-mailom);
- a/a.